



**Claudii Fleurii Abbatis Historia Ecclesiastica**

Ab anno Christi 1618. usque ad annum 1620

**Fleury, Claude**

**August. Vind. [u.a.], 1777**

**VD18 90118847**

§. 43. Quidam Scriptores e Societate mortui.

---

[urn:nbn:de:hbz:466:1-67326](#)

Sæc. XVII. opinione Augustinus Molina patria Castellanus, qui Ordinem FF. Eremitarum Sancti Augustini professus Theologiam tradidit, postea ad Cartusianos in Regiam domum *de Miraflores*, quæ prope Burgos in Regno Castellæ sita est, sese transtulit. Scripsit idiomate patrio librum plane aureum, jam trigesimo prælo excusum, cui titulus: *Instructio Sacerdotum ex Sanctis Patribus: Edidit quoque exercitia spiritualia pro Fratribus laicis*, item librum de meditatione & oratione præter tractatus de quatuor novissimis, & de rebus politicis: Præfata ejusdem Instructio propter sui utilitatem in Gallicam ac Italicum idioma translata, atque anno Christi millefimo sexcentesimo quadragesimo quarto Antverpiæ apud Arcesfenium latinitate donata prodiit.

### §. XLIII. *Quidam Scriptiores e Societate mortui.*

*Alegamb., Bibl. Script. Soc.* Ad Scriptores Ecclesiasticos, quibus hoc anno mors calamum excussit, referendi occurunt ex Jesuitis nonnulli, & primo quidem Franciscus Costerus patria Mechliniensis, qui S. Ignatii, a quo Societati aggregatus fuerat, monita, scilicet, *animi demissionem, obedientiam, mentisque jugem lœtitiam, semper cordi*

cordi habebat: Scripsit I. Enchiridion Sæc. XVII.  
 Controversiarum nostri temporis de Religione II. apologiam pro suo Enchiridio contra Gomarum Calvinistam III. librum de Ecclesia adversus eundem IV. declarationem fidei contra Hæreticos Hollandos. V. Responcionem ad Lucæ Osiandri refutationem VI. compendiosam veteris Orthodoxæ fidei demonstrationem. VII. apologias contra Greuinchovium, Pietersenum, Petrum Cockum, & Molanum præter plurima alia opuscula Polemica & Ascetica. Decessit Bruxellis die sexta Decembris anno ætatis suæ octogesimo octavo. Prius autem die decima quinta Junii Neapoli obiit Franciscus Albertinus, qui ex Principiis Philosophicis Theologica Corollaria deduxit, ediditque: Eodem hoc anno pariter mortui sunt Sebastianus Gonzalez, Boierus, Valzius & alii, quorum tamen opera recensere, vix operæ pretium est.

## §. XLIV.

*Mathiae Haffenrefferi, & Joannis Assumi obitus.*

Ad hunc annum refertur obitus Matthiae Haffenrefferi, qui ob morum comitatem, solidamque eruditionem apud Lutheranæ sectæ Theologos gra-

*Fischlin.*  
*mem. Wirt.*  
*part. 2. p. 8.*  
*Frecher. in*  
*Theatr. Wite*  
*tam biogra.*